

В СУББОТУ СВЯТАГО И ПРАВЕДНАГО ЛАЗАРЯ

Суббота 6-й седмицы, вайй БУ:

Календарные заметки: На трапезе разрешается вкушение рыбной икры.

Суббота 6-й седмицы, вайй. Лазарева суббота. Воскрешение прав. Лазаря.

Сщмч. Антипы, еп. Пергама Асийского. Прп. Иакова Железоборовского. Свт. Варсонофия, еп. Тверского (службу зри 4 октября). Прпп. Евфимия и Харитона Сянжемских.

Служба только по Триоди.

Примечание. С этого дня Минея не употребляется до понедельника Фоминой седмицы, кроме служб великих святых.

Накануне в пятницу вечером совершается

ВЕЛИКОЕ ПОВЕЧЕРИЕ (БЕЗ ПОКЛОНОВ),

на котором

- поем канон прп. Андрея Критского, глас 1-й: «Песнь победную поим вси Богу...» (из Триоди).
- Вместо «Достойно» – ирмос 9-й песни: «Сотвори державу мышцею Своею...».
- По 1-м Трисвятом – тропарь Триоди, глас 1-й: «Общее воскресение...» (см. на утрене Лазаревой субботы).
- По 2-м Трисвятом – тропари обычные, глас 6-й: «Помилуй нас, Господи, помилуй нас...».
- По 3-м Трисвятом – кондак Триоди, глас 2-й: «Всех Радость – Христос...» (см. на утрене Лазаревой субботы).

Отпуст малый.

НА ПОЛУНОЩНИЦЕ

- По 1-м Трисвятом – тропарь Триоди, глас 1-й: «Общее воскресение...».
- По 2-м Трисвятом – кондак Триоди, глас 2-й: «Всех Радость – Христос...», «Господи, помилуй» (12), и отпуст (заупокойная молитва «Помяни, Господи...» не произносится).

НА УТРЕНЕ^[20] НА «БОГ ГОСПОДЬ»

- – тропарь Триоди, глас 1-й: «Общее воскресение...» (дважды).
- «Слава, и ныне» – тот же тропарь.

Кафизмы 16-я и 17-я^[21].

По 16-й кафизме и малой ектении – седален Триоди, глас 1-й: «Ущедрив Марфины и Мариины слезы...». «Слава, и ныне» – тот же седален.

- По 17-й кафизме – тропари воскресные, глас 5-й: «Ангельский собор...».
- Ектения малая.

Седален Триоди, глас 5-й: «Источник премудрости...». «Слава, и ныне» – тот же седален.

- «Воскресение Христово видевше...».

Псалом 50-й.^[22]

До 6-й песни поются два канона Триоди: 1-й (творение прп. Феофана), глас 8-й, со ирмосом на 8 (ирмосы по дважды) и 2-й (творение прп. Иоанна), глас тот же, на 6.

Библейские песни «Поем Господеви...».

- Катавасия Триоди: «Воду прошед...».

По 3-й песни – седален Триоди, глас 4-й: «Вкупе предстаете...». «Слава, и ныне» – седален Триоди, глас 8-й: «Проведый всяческая...».

С 6-й песни поются два четверопеснца Триоди (на ряду): 1-й (творение прп. Космы), глас 8-й, со ирмосом на 8 (ирмосы по дважды) и 2-й (творение прп. Иоанна), глас тот же, на 6. Катавасия – ирмосы 2-го четверопеснца Триоди, глас 8-й.

По 6-й песни – кондак Триоди, глас 2-й: «Всех Радость – Христос...». Икос, глас тот же: «Учеником Создатель всех предвеща...».

На 9-й песни – обычное каждение. «Честнейшую» не поем.

Примечание. От этого дня и до Недели Антипасхи включительно на 9-й песни канона «Честнейшую» не поем (см.: Типикон, гл. 49, «В субботу святого и праведного Лазаря», 1-е «зри»). Каждение храма на 9-й песни совершается.

По 9-й песни, на 1-й глас – «Свят Господь Бог наш» (с обычными стихами; трижды). («Достойно есть» не поется.) Светилен Триоди: «Словом Твоим...» (дважды). «Слава, и ныне» – ин светилен Триоди: «Лазарем тя Христос...».

«Всякое дыхание...» и хвалитные псалмы.

НА ХВАЛИТЕХ СТИХИРЫ НА 8:

Триоди, глас 1-й и глас 4-й – 6;

- также припев: «Воскресни, Господи Боже мой...», и стихира Триоди, глас 8-й: «Лазаря умерша в Вифании...»;
- ин припев: «Исповемся Тебе, Господи...», и стихира Триоди, глас тот же: «Якоже рекл еси, Господи...».
- «Слава» – Триоди, глас 2-й: «Велие и преславное чудо...»,
- «И ныне» – «Преблагословенна еси...».

Примечание. Первые шесть стихир поются со стихами хвалитных псалмов, а последние две – с дополнительными воскресными стихами: 1-й – «Воскресни, Господи Боже мой, да вознесется рука Твоя, / не забуди убогих Твоих до конца»; 2-й – «Исповемся Тебе, Господи, всем сердцем моим, / повем вся чудеса Твоя».

Великое славословие. По Трисвятом – тропарь Триоди, глас 1-й: «Общее воскресение...» (единожды). Ектении и отпуст.

Примечание. Отпуст утрени и Литургии: «Христос, Истинный Бог наш...» с упоминанием имени св. прав. Лазаря Четверодневного, еп. Китийского.

На часах – тропарь и кондак Триоди.

ЛИТУРГИЯ СВТ. ИОАННА ЗЛАТОУСТА.

Блаженны от канона праздника, песни 3-я (со ирмосом) и 6-я – 8.

На входе – «...во святых Дивен сый...»^[23].

ПО ВХОДЕ

– тропарь Триоди, глас 1-й: «Общее воскресение...».

«Слава, и ныне» – кондак Триоди, глас 2-й: «Всех Радость – Христос...».

Вместо Трисвятого – «Елицы во Христа крестистесь...».

Прокимен, глас 3-й: «Господь – Просвещение мое...»; стих: «Господь – Защититель живота моего...».

Аллилуиарий, глас 5-й: «Господь воцарися, в лепоту облечеса»; стих: «Ибо утверди вселенную...».

Апостол и Евангелие – субботы Лазаревой.

По традиции, может петься задостойник: «Чистую славно почтим...»^[24].

Причастен: «Из уст младенец...».

После «Спаси, Боже, люди Твоя...» **поем:** «Видехом Свет Истинный...».

Примечание. На трапезе разрешается вкушение рыбной икры: «На трапезе учрежда-
емся варением со елеем. Аще же и икру имама, да дастся коемуждо брату по три он-
гии^[25]: и вино прием» (Типикон, гл. 49, «В субботу святого и праведнаго Лазаря»).

²⁰ В богослужении Лазаревой субботы присутствуют особенности, характерные толь-
ко для данного дня.

²¹ Сразу после окончания 17-й кафизмы поются тропари: «Ангельский собор»; иерей
кадит весь храм, начиная с алтаря, при закрытых царских вратах.

²² В храме прав. Лазаря поется полиелей (ср.: Типикон, гл. 49, «В субботу святого и
праведнаго Лазаря», 2-е «зри»).

²³ Ср.: Богослужбные указания на 1958 год для священно-церковнослужителей. М.,
1958. С. 94; Настольная книга священнослужителя. М., 2001р. Т. 4. С. 549; Иоанн
(Маслов), схиархим. Лекции по Литургике. М., 2002. С. 245.

²⁴ В современной редакции Типикона о задостойнике на этот день ничего не говорится,
но в старопечатной редакции Устава указано петь задостойник «Чистую славно поч-
тим...» (ср.: Сырников Н. Ключ к Церковному Уставу. Л. 78 об.). Традиция пения за-
достойника на Литургии в Лазареву субботу является общераспространенной (ср.:
Настольная книга священнослужителя. М., 2001р. Т. 4. С. 549; Георгиевский А. И.
Чинопоследование Божественной Литургии. Нижний Новгород, 1995. С. 119; Иоанн
(Маслов), схиархим. Лекции по Литургике. М., 2002. С. 245; Булгаков С. В. Настоль-
ная книга для священно-церковнослужителей. К., 1913. М., 1993р. С. 583–584).

²⁵ Одна онгия равна 1/12 русского фунта (примерно 34 грамма).

НА ПОЛУНОЩНИЦЕ,

на первом Трисвятом, по Отче наш:

Тропарь. Глас 1:

**Общее воскресение/ прежде Твоя страсти уверяя,/ из
мёртвых воздвигл еси Лазаря Христе Бóже./ Темже и мы
яко отроцы победы знамения носяще,/ Тебе победителю
смёрти вопиём:/ осанна в вышних, // благословен Грядый
во имя Господне.**

На последнем Трисвятом, по Отче наш: Кондак:

Всех радость Христос:

**Господи помилуй, 12. И отпуст. Молитвы же: Помяни Гос-
поди, не глаголем.**

НА УТРЕНИ,

Двупсалмие.

Малая сугубая ектения.

«Премудрость» – [«Высокопреосвященнейший владыка,] благослови». «Аминь».

Шестопсалмие.

На «Бог Господь» – Тропарь, глас 1:

Общее воскресение/ прежде Твоея страсти уверяя,/ из мёртвых воздвигл еси Лазаря Христе Бóже./ Темже и мы яко отроцы победы знамения носяще,/ Тебе победителю смёрти вопиём:/ осанна в вышних, // благословен Грядый во имя Господне. [Трижды.]

Кафизмы.

Таже, стихословие: Рече Господь Господеви моему:

По 1-м стихословии седален, глас 1:

Подобен: Камени запечатану:

Ущедрив Марфины и Мариины слезы, отвалити камень от гроба повелел еси Христе Боже, воскресил еси возгласив мертваго, мира Жизнодавче, Собою уверяя воскресение. Слава силе Твоей Спасе: слава власти Твоей: слава словом вся Составившему.

Слава, и ныне, тойже.

Таже стихословим Непорочны.

И поем, тропари воскресные, глас 5:

Благословён еси, Гóсподи,/ научи мя оправданием Твоим./ Ангельский собор удивися,/ зря Тебе в мертвых вменившася,/ смертную же, Спасе, крепость разорыша,/ и с Собою Адама воздвигша, // и от ада вся свободжда.

Благословён еси, Гóсподи: Почто́ мира с милостивными слезами,/ о ученицы растворяете?/ Блистаяйся во гробе ангел/ мирноносицам вещаше:/ видите вы гроб и уразумейте, // Спас бо воскресе от гроба.

Благословён еси, Гóсподи: Зелó рано мирноносицы течáху/ ко грóбу Твоему рыдáющия,/ но предста к ним áнгел, и рече:/ рыдания время преста, не пла́чите, // воскресение же апóстолом рцы́те.

Благословён еси, Гóсподи: Мирноносицы жены, с миры пришédша/ ко грóбу Твоему, Спасе, рыдáху,/ ангел же к ним рече, глаго́ля:/ что с мёртвыми Живаго помышляете? // Яко Бог бо воскресе от гроба.

Сла́ва Отцу и Сыну и Святому Ду́ху./ Покло́нимся Отцу́,/ и Его́ Сынови, и Святому Ду́ху,/ Святе́й Троице во еди́ном существе́,/ с Серафимы зову́ще:/ Свят, Свят, Свят еси, Го́споди.

И ны́не и присно и во веки веко́в. Аминь./ Жизнода́вца ро́ждши,/ греха́, Дево, Адама избáвила еси,/ ра́дость же Еве в печали место пода́ла еси;/ падшия же от жи́зни/ к се́й напра́ви, // из Тебе воплотíвыйся Бо́г и Чело́век.

Аллилу́ия, аллилу́ия, аллилу́ия,/ слава Тебе, Бо́же. Триж-ды.

И прочая, яко обычай есть в Неделю,

потом седален, глас 5.

Подобен: Собо́значальное Слово:

Источник премудрости и предведения, во Вифанию пришед, с Марфою сущих вопрошал еси: где положисте, рек, друга, Лазаря? Егоже ради прослезив Благоутробне, четверодневна мертва воскресил еси гласом Твоим Человеколюбче и Щедрый, яко Жизнодавец и Господь.

Слава, и ныне, тойже.

Таже глаголем:

Воскресение Христово ви́девше,/ поклонимся Святому Господу Иису́су,/ Единому Безгрéшному./ Кресту Твоему поклоня́емся Христé,/ и Святое Воскресение Твое поем и сла́вим:/ Ты бо еси Бо́г на́ш,/ разве Тебе иного не зна́ем,/ Имя Твое имену́ем./ Приидите вси вёрнии,/ поклонимся Святому Христову воскресéнию:/ се бо прииде Крестом радость все́му ми́ру./ Всегда благословяще Го́спода,/ поем Воскресéние Его́:/ распя́тие бо претерпéв, // сме́ртию сме́рть разруши́.

И псалом 50.

Евангелие же не чтем, токмо во храме святого Лазаря. Чтение же творим, толкование еже от Иоанна Евангелиа того дне, слово 63, и 64.

Канона два, до шестыя песни, творение господина Феофана: отонудуже начинаем четверопеснец. Первый канон со ирмосом на 8: другой на 6. Глас 8.

Песнь 1.

Ирмос: Поим Го́сподеви́/ проведшему люди Своя сквозе Черное мо́ре, // яко един сла́вно просла́вился.

Лазаря умершаго, манием Божественным воскресил еси, яко Создатель сый, и живота сокровище Человеколюбче.

Словом четверодневнаго Лазаря возгласил еси безсмертне, темнообразное адово разрушив крепостию царство.

Всем Пребожественнаго познание Божества показал еси, из мертвых возставив четверодневнаго Лазаря Владыко.

Днесь Вифаниа предвозвещает Воскресение Христа Жизнодавца, востанием Лазаревым ликовствующи.

Другий канон, творение Иоанна монаха. Глас 8.

Ирмос: Воду прошед:

Прежде от не сущих привед всяческую тварь, и ведый сердечная сокровища предглаголеши яко Владыка учеником Лазарево успение.

Человека естеством осуществовавыйся Христе от Девы, Лазарево Ты погребение навыкнути вопрошал еси яко Человек, не неведый яко Бог, идеже лежаше.

Слава: Уверяя Слове Твое Воскресение, воистинну яко от сна, любимаго воскресил еси уже смердяща, четверодневна мертвеца от гроба.

И ныне, Богородичен: Чини Тя ангел и человек, безневестная Мати, хвалят непрестанно: Создателя бо сих якоже Младенца, во объятиих Твоих носила еси.

Катавасия: Воду прошэд яко сýшу,/ и Египетскаго злá избежáv,/ израильтянин вопияше:// Избавителю и Богу нашему пойм.

Песнь 3.

Ирмос: Ты еси утверждение притекающих к Тебе Господи, Ты еси свет омраченных, и поет Тя дух мой.

Два предлагая действия Твоя, показал еси существ Спасе сугубство: Бог бо еси и Человек.

Бездна сый разума, Ты вопрошаеши: где положиши мертвый? хотя воскресити Животодавче лежащаго.

Места переходяй яко быв Человек, явился еси описан, исполняя всяческая, яко Бог неописанный.

Лазаря воздвигл еси Божественным Христе глаголом: и мене многими прегрешеньми умерша возстави, молюся.

Иный.

Ирмос: Небеснаго круга:

Представ Ты гробу чудотворче Господи, в Вифании над Лазарем проследился еси, законом естества, плоть Твою уверяя, Иисусе Боже мой, юже восприял еси.

Мариин плач Ты абие утолил еси Спасе, и Марфе показуя самовластное. Ты бо воскресение, Ты и живот, якоже рекл еси: истина бо еси, и всех Господь.

Слава: Обвитаго укройми любимаго Лазаря Господи, от ада темнаго исхитил еси Ты, словом Твоим всемошным смерти разверг заклепы же и царствия.

И ныне: Вселился еси в Деву плотски Господи, явился еси человеком, якоже леть бе видену Тебе быти: Юже и показал еси яко истинную Богородицу, и верных помощницу, едине Человеколюбче.

Катавасия: Небѣснаго кру́га/ верхотворче Гóсподи,/ и Цѣркве Зиждителю,/ Ты мене утверди в любви Твоей,/ желаний краю, верных утверждение,// еди́не Человеколю́бче.

Седален, глас 4.

Подобен: Удивися Иосиф:

Вкупе предстаете Христу Лазареве сестре, и слезяще горце, и плачуще его, реша Ему: Господи, умре Лазарь. Он же яко Бог не неведый погребания, вопрошаше яко Человек: где положите его? И приступив ко гробу, возглашаше четверодневнаго Лазаря. Он же абие воста, и поклоняшеся Воскресившему.

Слава, и ныне, глас 8.

Подобен: Премудрости:

Проведый всяческая яко Творец в Вифании прорекл еси учеником Твоим: друг наш Лазарь успе днесь. И ведый спросил еси, рекл: где положите его? И Отцу помолился еси, прослезився яко Человек: темже и возгласив, егоже любил еси, от ада возставил еси Господи четверодневнаго Лазаря. Сего ради вопием Тебе: приими Христе Боже, дерзающих приносить хваление Тебе, и сподоби всех славы Твоея.

Песнь 4.

Ирмос: Услы́шах Гóсподи,/ смотрения Твоего та́инство,/ разумѣх дела́ Тво́я,// и просла́вих Тво́е Божество́.

Не пособника требуай, но смотрения совершай неизреченное, моляся возставил еси мертва, четверодневнаго Всесильне.

Отцу соприисносущное Слово, и Бог прежде зримый, ныне яко Человек молится, молитвы всех Приемляй.

Глас Твой разруши Спасе смертную всю силу, основания же адова Божественною Твоею силою поколебашася.

Богородичен: Деву воспоим, яко по рождестве Деву пребывшую, и рождшую Христа Бога, от прелести мир избавльшаго.

Иный.

Ирмос: Ты моя крепость Господи:

Ты яко пастырь исхитил еси Христе человека, растлевша уже четверодневна, Зиждителю, от волка лютаго воистинну и всеядца: яко всемогущи же и Господь, сим проявляя всемирную славу, Твоего ныне тридневнаго востания.

Тя жизнь видяще сущи с Марфою Христе, вопияху: аще бы был еси zde Господи, просвещение всех и жизнь, отнюд не бы умерл, мертв не явился бы Лазарь. Жизнь же умерших, Ты Человеколюбче сый, в радость плач их предлагаеши.

Слава: Ты источника бояться Господи бездны, Тебе работают воды всяческий: Тебе трепещут Христе верей адовы, и заклепы державою Твоею разрушаются, Лазарю воскресшу из мертвых гласом Твоим, всеильне Спасе Человеколюбче.

Богородичен: Ты верным похвала еси Безневестная, Ты предстательство, Ты и прибежище христианом, стена и пристанище: к Сыну бо Твоему моления приносиши Всенепорочная, и спасаеши от бед, верою и любовью Богородицу Чистую Ты ведущия.

Катавасия: Ты моя крепость Господи,/ Ты моя и сила,/ Ты мой Бог, Ты мое радование,/ не оставль недра Отча,/ и нашу нищету посетив,/ тем с пророком Аввакумом зову Ти:// силе Твоей слава Человеколюбче.

Песнь 5.

Ирмос: Вскую мя отринул еси,/ от лица Твоего Свете незаходимый,/ и покрыла мя есть чуждая тьма окайнного?/ Но обрати мя, и к свету заповедей Твоих,// пути моя направи, молюся.

Представ Лазареву гробу Человеколюбче, сего призвал еси, и жизнь подал еси: яко жизнь сый бессмертная человеком всем, яко Бог будущее прообразуя яве воскресение.

Связан ногама Лазарь хождаше, чудо в чудесех: ибо болий явился возвращающего укрепляй и Христос: Егоже слову вся раболепно служат, яко Богу и Владыце работающа.

Мертва смердяща Лазаря воздвигнувый Христе четверодневна, возстави мя умерша ныне грехи моими, и положена в рове, и темней сени смертной, и яко благоутробен избави и спаси мя.

Иный, ирмос тойже.

Отцу славу подая, яко не богопротивный был еси моляся, предстоящий уверяя народ Долготерпеливе, и благодарение Твоему Отцу принося, повелением воздвизаеши Лазаря.

О гласа Боговещанного, и Божественныя силы, Спасе державы Твоея! Еюже адова врата всеядныя смерти сокрушил еси: но исхити мя от страстей моих, якоже прежде четверодневна Твоего друга Лазаря.

Слава: Молитвами Лазаря, Марфы же и Марии, нас сподоби зрителей быти Креста и страстей Твоих Господи, и светоносицы дней и царицы Воскресения Твоего Человеколюбче.

И ныне, Богородичен: Матернее дерзновение к Сыну Твоему имущи Пречистая, сроднаго промышления о нас не презри, молимся, яко Ты едину христиане ко Владыце умилоствление благоприятное предлагаем.

Катавасия: Вскую мя отринул еси, / от лица Твоего Свете незаходимый, / и покрыла мя есть чуждая тьма окайнного? / Но обрати мя, и к свету заповедей Твоих, // пути моя направи, молюся.

Отселе начинается четверопеснец господина Космы.

Ирмосы по дважды, тропари на 12.

Песнь 6.

Ирмос: Иону в ките Господи / единого вселил еси: / мене же связанного мрежами вражиями, // яко от тли онаго, спаси.

Любовь Тебе в Вифанию Господи отведе к Лазарю, и сего уже смердяща воскресил еси яко Бог, и от уз адовых спасл еси.

Марфа убо отчаяшися Лазаря, яко виде четверодневна, Христос же истлевшаго воскресил яко Бог, и к жизни престаи глаголом.

Иный, Иоанна монаха. Глас тойже.

Ирмос: Очисти мя Спасе:

Бог сый истинный, Лазарево ведал еси успение, и сие учеником Твоим провозвестил еси, уверяя Владыко Божества Своего неопредельное действие.

Плотию описан сый Неописанный, в Вифанию пришед, яко Человек Владыко слезиши над Лазарем, яко Бог же хотя воскрешаеши четверодневно-го.

Катавасия: Очисти мя Спасе, / многа бо беззакония моя, / и из глубины зол возведи, молюся: / к Тебе бо возопих, и услыши мя, // Бо-о-оже спасения моего.

Кондак, глас 2.

Подобен: Вышних ища:

Всех радость Христос, истина, / свет, живот, и мира воскресение, / сущим на земли явися Своею благодатию, / и бысть образ воскресения, // всем подавая Божественное оставление.

Икос: Учеником Создатель всех предвеща, глаголя: братия и знаеми, наш друг успе, сими предглаголя и уча, яко вся веси, яко Создатель всех. Идем убо, и увидим странное погребение, и рыдание Мариино, и Лазарев гроб узрим: тамо бо хошу чудодействовати, совершая Креста предначинание, и всем подавая Божественное оставление.

Синаксарий. Стихи:

Рыдаеши Иисусе, сие смертного существа:

Оживляеши друга Твоего, сие Божественныя крепости.

В тойже день востание празднуем святого и праведнаго друга Христова Лазаря Четверодневнаго. Сей еврейн убо бяше родом, фарисей же ересию, и сын якоже негде обретяся, фарисеа сый Симона, от Вифании веси происходя. Господу же нашему Иисусу Христу по земли творящу хождения о спасении рода нашего, и сице в содружество ему соединяется. Понеже бо к Симону Христос часто беседоваше, аки и тому о воскресении мертвых зело молящуся, и к дому его приходаше многжды, Лазарь в свойство возлюбляется: не тойже един, но и сестре его две, Марфа яве и Мариа. Уже бо спасительной страсти приближающейся, елма подобаше воскресения таинству известнее уверитися. Бяше убо пребывая Иисус об он пол Иордана, первее Иаирова отрочища, и вдовича сына воскресив из мертвых. Друг же его Лазарь недугом тяжким объят быв, умре. Иисус убо и не сый тамо, учеником глаголет: Лазарь друг наш успе. И мало паки престав, Лазарь, рече, умре. Приходит убо в Вифанию, Иордан оставль, от сестр его возвещен быв. Разстоит же от Иерусалима Вифания аки стадий пятнадцать. И предусретосте сестре Лазареве, глаголюще: Господи, аще бы еси был zde, не бы умерл наш брат: но и ныне аще Тебе хотительно, воздвигнеши и, можеши бо. Вопросает же народа Иисус, где положиште его? И абие вси предыдоху на гроб. И камени взяту бывшу, Марфа глаголет: Господи, уже смердит, четверодневен бо есть. Помолився Иисус, и слезы над лежащаго испустив, гласом велиим воззва: Лазаре гряди вон. И абие умерый изыде: и разрешен быв отыде в дом. Сие странное чудо на зависть воздвизает еврейския люди, и на Христа возбешаются: Иисус же паки уклонься отыде. Архиереи же и Лазаря убити помышляху, зане мнози его зряще ко Христу прилагахуся. Но он мыслимая разумев, к Кипрскому острову избегает, и тамо пребывая, послеще от апостолов архиерей показуется Китейскаго града. Добре же и боголюбезне пожив, по тридесятилетнем времени ожития своего, умирает паки, и таможде погребается, многая чудеса содеяв. Глаголется же, по ожитии ничесоже ясти кроме услаждающаго. И яко его омофор Пречистая Божия Мати, Своима уготовльши рукама, ему дарова. Сего честныя и святыя мощи, премудрейший царь Лев, от некоего видения Божественнейшаго, оттуду пренес, в созданнем от него в Константинограде, во имя сего святого храма, честно и многоценно полагает, одесную в храм входяще, в противной священному олтарю стене: и ныне еще пребывают честныя его мощи, неизреченное некое благовоние совершающе. Праздноватися же в настоящий день вчинися его востание, зане святии и богоноснии отцы наши, паче же святии апостоли, по четьридесятидневнем посте за очищение, святыя страсти Господа нашего Иисуса Христа хотяще жрети, понеже сие чудо начало и вину наипаче обретоша иудейскаго на Христа неистовства, посему zde преестественное сие чудо положиша. Еже убо евангелист Иоанн сам списует, яко другим евангелистом оставльшим сие: яве еще жив бе Лазарь и видимь. Глаголется убо, яко и сего ради самаго и прочее списася Евангелие: и яко ничесоже о безначальном Рождестве Христовем друзии воспомянуша. Се бо бяше искомое уверитися, яко Сын Божий и Бог бе Христос, и яко воскресе, и воскресение будет мертвым: еже Лазарем паче уверяется. Ничтоже от еже во аде Лазарь, рече: или яко не оставлено бысть видети яже тамо, или видевшу молчати о сих повелено бысть. Отселе и всяк человек ныне умерый, Лазарь глаголется, и гробная одежда паки лазарома нарицается, гадательствующему слову, еже в память перваго Лазаря приходити. Аще бо он словом Христовым воста и оживе паки, тако и сей, аще и умре, в последней трубе востав, вечно жити будет. Молитвами друга Твоего Лазаря, Христе Боже, помилуй нас, аминь.

Песнь 7.

Ирмос: Отроцы еврейстии в пещи/ попраша пламень дерзновénно,/ и на росу огонь преложиша, вопиюще:// благословен еси Господи Бóже во véки.

Прослезився яко человек Щедре, воскресил еси яко Бог сущаго во гробе, и разрешся от ада Лазарь взываше: благословен еси Господи Боже во веки.

Изыде повойми обвязан, пропасти ада же и тьмы побег Владычним словом, Лазарь взывая: благословен еси Господи Боже во веки.

Иный.

Ирмос: От Иудеи дошедше:

Над другом прослезився, Марфины Щедре слезы утолил еси, и страстию вольною отъял еси от лица людей Твоих всякую слезу: отец наших Боже благословен еси.

Живота сокровище, мертваго яко от сна Спасе воздвигл еси, и словом адову утробу расторгнув, воскресил еси поюща: отец наших Боже благословен еси.

Мертвеца смердяща, связана повойми, Владыко, воздвигнул еси, и мене связанаго пленицами прегрешений, возстави поюща: отец наших Боже благословен еси.

Катавасия: От Иудеи дошедше отроцы, / в Вавилоне иногда, / верую Троическою пламень пещный попраша поюще: // отцев Бóже благословен еси.

Песнь 8.

Ирмос: Музыкским органом согласующим, / и людям безчисленным поклоняющимся образу в Деи́ре, / три отроцы не повинувшися, Господа воспева́ху, // и славословляху во вся́ веки.

Яко Пастырь агнца взыскал еси, от волка лютаго губителя восхитив, растлевша обновил еси, поюща Тебе: пойте и превозносите во вся веки.

Яко Человек гроба взыскал еси, мертваго яко Содетель воскресил еси, повелением Твоим Владычним: Егоже ад ужасеся, вопиюща Тебе: пойте и превозносите во вся веки.

Иный.

Ирмос: Царя Небеснаго:

Вопрошаеши убо яко Человек, яко Бог же воскрешаеши словом четверодневнаго. Темже Тя поем и превозносим во вся веки.

Тебе благоразумно Владыко, якоже должное Мариа приношает миро, воспеваючи во вся веки.

Призываеши убо яко Человек Отца, яко Бог же Лазаря воздвизаеши. Темже Тя поем Христе во веки.

Хвалим, благословим:

Катавасия: Царя́ Небеснаго, / Егоже поют вои а́нгельстии, // хвалите и превозносите во вся́ веки.

Честнейшая не стихословится.

Песнь 9.

Ирмос: Чистую сла́вно почт́им, / людие Богорóдицу, / огонь Божества приемшую во чреве неопáльно, // пе-э́-сньми велича́ем.

Людие видевше ходяща мертвеца четверодневна, удивившеся чудеси, вопияху Избавителю, Бога Тя в песнях величающе.

Предуверяя славное востание Твое, о Спасе мой, мертва четверодневна, из ада свобождаеши Лазаря, песньми Тя величающа.

Иный.

Ирмос: Воистинну Богородицу:

Почитая Твоего Отца, и показуя, яко не богопротивен еси, молитву дееши Христе, самовластно воздвиг четверодневнаго.

Из гроба четверодневнаго Лазаря воздвизаеши, тридневнаго Христе Твоего востания, всеистинаго всем показуя свидетеля.

Ходиши, и слезиши, вещаеши же Спасе мой, человеческое показуя Твое действие: Божественное же являя, воздвизаеши Лазаря.

Содеял еси неизреченно, Владыко Спасе мой, по обою двою Твоею естеству, самовластною волею спасение мое.

Катавасия: Воист́инну Богорóдицу / Тя́ испове́дуем / спасеннии Тобою Дéво Ч́истая, // с безплотными лики Тя́ велича́юще.

Таже на глас 1: Свят Господь Бог наш. Трижды.

Ексапостиларий самогласен, дважды.

Словом Твоим, Слове Божий, Лазарь ныне возскачет к житию паки потек, и с ветвьми людие Тя державне почитают, яко в конец погубиши ад смертию Твоею.

Слава, и ныне, ин.

Подобен: Единожды:

Лазарем тя Христос уже разрушает смерти, и где твоя аде победа? Вифании плач ныне на тебе преставляется, вси ветви победы Тому принесем.

НА ХВАЛИТЕХ ПОСТАВИМ СТИХОВ 8,

и поем стихиры самогласны, глас 1.

1. Стих: Сотворити в них суд написан,/ слава сия будет всем препобным Его.

Воскресение и жизнь человеком сый Христэ,/ гробу Лазареву предстал еси,/ уверяя нам два существа Твоя Долготерпеливе,/ яко Бог и Человек от Чистыя Девы пришёл еси./ Якоже бо Человек вопрошал еси: где погребёся?/ И якоже Бог воскресил еси// живоносным мановением четверодневнога.

2. Стих: Хвалите Бога во святых Его,/ хвалите Его во утверждении силы Его.

Лазаря умерша четверодневнога воскресил еси из ада Христэ,/ прежде Твоея смерти, потряс смертную державу,/ и едином любимым, всех человек провозвещающей из тли свободение./ Темже покланяющися Твоей всемогущей власти вопиём:// благословен еси Спасе, помилуй нас.

3. Стих: Хвалите Его на силах Его,/ хвалите Его по множеству величества Его.

Марфа и **Мария** Спасу глаголасте: аще бы zde был еси Господи, не бы умерл Лазарь: Христос же воскресение усопших, сего уже четверодневнога из мертвых воскреси: приидите вси вернии, Сему поклонимся грядущему во славе, спасти души наша.

4. Стих: Хвалите Его во гласе трубнем,/ хвалите Его во псалтири и гуслех.

Божества Твоего Христэ,/ подавая учеником Твоим образ,/ в народах смирял еси Себе, утайтиса хотя./ Темже апостолом яко проведец Бог,/ Лазареву смерть предрёкл еси./ В Вифании же присутствуяй людем,/ друга Твоего гроба не неведый,/ уведети вопрошал еси яко Че-

ловѣк./ Но Тобо́ю четверодне́вен воскресѣ́й,/ Божественную Твою держа́ву яви́:// всесильне Господи сла́ва Тебе́.

Глас 4:

5. Стих: Хвалите Его в тимпане и лице,/ хвалите Его во стру́нах и оргáne.

Четверодневна воздвигл еси друга Твоего Христе, и Марфино и Мариино рыдание утолил еси: показуя всем, яко Ты еси вся совершай Божественною силою, самовластным хотением. Емуже херувими вопиют непрестанно: осанна в вышних, благословен еси над всеми Боже, слава Тебе.

6. Стих: Хвалите Его в кимвалех доброгласных, хвалите Его в кимвалех восклицания./ Всякое дыхание да хвалит Господа.

Марфа Марии вопияше: Учитель предстоит, и глашает тя, приступи. Она же скоро пришедши, идеже бе стоя Господь, и видевши возопи, падши поклонися, пречистей ноze Твои облобызаючи, глаголаше: Господи, аще бы еси zde был, не бы убо умерл брат наш.

Глас 8:

7. Стих: Воскресни Господи Боже мой, да вознесетя рука Твоя: не забуди убогих Твоих до конца.

Лазаря умерша в Вифании, воздвигл еси четверодневна: токмо бо престал еси гробу, глас живот умершему бысть, и воздохнув ад отрешил страхом. Велие чудо, многомилостиве Господи слава Тебе.

8. Стих: Исповемся Тебе Господи всем сердцем моим, поведем вся чудеса Твоя.

Якоже рекл еси Господи Марфе: Аз есмь Воскресение, делом слово исполнил еси, из ада воззвав Лазаря: и мене

Человеколюбче мертва страстьми, яко сострадате́лен вос-
креси, молюся.

Слава, глас 2:

Велие и преславное чудо соверши́ся днесь, яко мертвеца
четверодневно́го, из гроба Христо́с возгласив воздви́же, и
друга́ призва: славословим Его́ яко преславна, да молит-
вами праведна́го Лазаря́ спасет души́ наша.

«И ныне» – глас 2:

Преблагословенна еси, Богородице Де́во, / Воплощшим бо
ся из Тебе́ ад плени́ся, / Адам воззва́ся, клятва потреби́ся,
Ева свободи́ся, / смерть умертвися, и мы ожи́хом. / Тем
воспевающе вопи́ем: // благословен Христо́с Бог, // благо-
воливши тако, сла́ва Тебе́.

Славословие великое:

Слава в вы́шних Бо́гу, / и на земли́ ми́р, / в челове́цах бла-
говолéние. / Хва́лим Тя, благослови́м Тя, / кла́няем Ти ся,
славословим Тя, благодарим Тя, / вели́кия ради славы
Твоея́. / Го́споди Царю́ Небесный, Бо́же Отче Вседер-
жи́телю, / Го́споди, Сыне́ Единородный, Иисусе́ Христе, и
Святы́й Ду́ше. / Го́споди Бо́же, Агнче́ Божий, Сыне́
Отче́, / вземля́й грех ми́ра, поми́луй нас; / вземля́й грехи
ми́ра, приими́ молитву́ нашу; / седя́й одесную́ Отца́, поми-
луй нас. / Яко́ Ты еси́ един Свят, / Ты еси́ един Госпо́дь,
Иисус Христо́с, в славу́ Бога́ Отца́. Аминь. /

На всяк день благословлю́ Тя, и восхва́лю Имя́ Твое́ во ве-
ки, и в век ве́ка. /

Сподоби, Го́споди, в день сей без греха́ сохранитися нам. /
Благословен еси́, Госпо́ди, Бо́же отец наших, и хва́льно и
прославлено́ Имя́ Твое́ во веки. Аминь. /

Буди, Госпо́ди, милость Твоя́ на нас, яко́же уповахом на
Тя. /

**Благословен еси, Господи, научи мя оправданием Твоим./
Трижды.**

**Господи, прибежище был еси нам в род и род./ Аз рех:
Господи, помилуй мя, исцели душу мою, яко согреших Те-
бе./ Господи, к Тебе прибегах, научи мя творити волю
Твою, яко Ты еси Бог мой:/ яко у Тебе источник живота,/
во свете Твоем узрим свет.// Пробави милость Твою веду-
щим Тя.**

Святой Боже...

**Святой Крепкий, Святой Безсмертный, помилуй нас.
Трижды. И т.д.**

**Слава Отцу и Сыну и Святому Духу и ныне и присно и во
веки веков. Аминь. Святой Безсмертный, помилуй нас.**

**Святой Боже, Святой Крепкий, Святой Безсмертный,
помилуй нас.**

Тропарь, глас 1:

**Общее воскресение/ прежде Твоея страсти уверяя,/ из
мёртвых воздвигл еси Лазаря Христе Бóже./ Темже и мы
яко отроцы победы знамения носяще,/ Тебе победителю
смёрти вопиём:/ осанна в вышних,// благословен Грядый
во имя Господне.**

И отпуст.

НА ЛИТУРГИИ

блаженна, песнь 3-я и 6, на 8.

По входе тропарь празднику, глас 1:

Общее воскресение/ прежде Твоя страсти уверяя,/ из мёртвых воздвигл еси Лазаря Христе Бóже./ Темже и мы яко отроцы победы знамения носяще,/ Тебе победителю смёрти вопиём:/ осанна в вышних, // благословен Грядый во имя Господне.

Слава, и ныне, Кондак, глас 2.

Подобен: Вышних ища:

Всех радость Христос, истина, / свет, живот, и мира воскресение, / сущим на земли явися Своею благодатию, / и бысть образ воскресения, // всем подавая Божественное оставление.

Вместо Трисвятаго поем: Елицы во Христа крестистесь, во Христа облекостесь, аллилуиа.

Прокимен, глас 3: Господь просвещение мое, и Спаситель мой, кого убоюся? Стих: Господь защититель живота моего, от кого устрашуся?

Апостол ко Евреом, зачало 333, от полу. [Евр. 12, 28 – 13, 8.]

Братие, царство непоколебимо приемлюще, да имамы благодать, еюже служим благоугодно Богу с благоговением и страхом, Ибо Бог наш огонь поядаяй (есть).

Братолюбие да пребывает:

Страннолюбия не забывайте, тем бо не ведяще нецыи странноприяша ангелы.

Поминайте юзники, аки с ними связаны: озлобляемая, аки и сами суще в теле.

Честна женитва во всех и ложе нескверно: блудником же и прелюбодеем судит Бог.

Не сребролюбцы нравом, доволни сущими. Той бо рече: не имам тебе оставити, ниже имам от тебе отступить:

Яко держающим нам глаголати: Господь мне помощник, и не убоюся: что сотворит мне человек?

Поминайте наставники ваша, иже глаголаша вам слово Божие: ихже взирающе на скончание жителства, подражайте вере (их).

Иисус Христос вчера и днесь Тойже, и во веки.

Аллилуиа. глас 5: Господь воцарися, в лепоту облечеса. Стих: Ибо утверди вселенную, яже не подвижится.

Евангелие от Иоанна, зачало 39. [Ин. 11, 1 – 45.]

Во время оно, бе некто боляй Лазарь от Вифании, от веси Мариины и Марфы сестры ея.

Бе же Мариа помазавшая Господа миром и отершая нозе Его власы своими, еяже брат Лазарь боляше.

Посласте убо сестре к Нему, глаголюще: Господи, се, егоже любиши, болит.

Слышав же Иисус рече: сия болезнь несть к смерти, но о славе Божии, да прославится Сын Божий ея ради.

Любляше же Иисус Марфу и сестру ея и Лазаря.

Егда же услыша, яко болит, тогда пребысть на немже бе месте два дни.

Потом же глагола учеником: идем во Иудею паки.

Глаголаша Ему ученицы: Равви, ныне искаху Тебе камением побити Иудее, и паки ли идеши тамо?

Отвеща Иисус: не два ли надесея часа еста во дни? аще кто ходит во дни, не поткнется, яко свет мира сего видить:

Аще же кто ходит в нощи, поткнется, яко несть света в нем.

Сия рече, и посем глагола им: Лазарь друг наш успе: но иду, да возбужу его.

Реша убо ученицы Его: Господи, аще успе, спасен будет.

Рече же Иисус о смерти его: они же мнеша, яко о успении сна глаголет.

Тогда рече им Иисус не обинуяся: Лазарь умре:

И радуюся вас ради, да веруете, яко не бех тамо: но идем к нему.

Рече же Фома, глаголемый Близнец, учеником: идем и мы, да умрем с ним.

Пришед же Иисус, обрете его четьри дни уже имуща во гробе.

Бе же Вифания близ Иерусалима яко стадий пятнадцать,

И мнози от Иудей бяху пришли к Марфе и Марии, да утешат их о брате ею.

Марфа убо егда услыша, яко Иисус грядет, срете Его: Мария же дома седяше.

Рече же Марфа ко Иисусу: Господи, аще бы еси zde был, не бы брат мой умерл:

Но и ныне вем, яко елика аще просиши от Бога, даст Тебе Бог.

Глагола ей Иисус: воскреснет брат твой.

Глагола Ему Марфа: вем, яко воскреснет в воскрешение, в последний день.

Рече же ей Иисус: аз есмь воскрешение и живот: веруай в Мя, аще и умрет, оживет:

И всяк живый и веруай в Мя не умрет во веки. Емлеш ли веру сему?

Глагола Ему: ей, Господи: аз веровах, яко Ты еси Христос Сын Божий, иже в мир грядый.

И сия рекши, иде и пригласи Марию сестру свою тай, рекши: Учитель пришел есть, и глашает тя.

Она же яко услыша, воста скоро и иде к Нему.

Не уже бо бе пришел Иисус в весь, но бе на месте, идеже срете Его Марфа.

Иудее же убо сущии с нею в дому и утешающе ю, видевше Марию, яко скоро воста и изыде, по ней идоша, глаголюще, яко идет на гроб, да плачет тамо.

Мария же яко прииде, идеже бе Иисус, видевши Его, паде Ему на ногу, глаголющи Ему: Господи, аще бы еси был zde, не бы умерл мой брат.

Иисус убо, яко виде ю плачущую и пришедшия с нею Иудеи плачуща, запрети духу, и возмутися Сам,

И рече: где положисте его? Глаголаша Ему: Господи, прииди и виждь.

Прослезися Иисус.

Глаголаху убо Жидове: виждь, како любляше его.

Нецыи же от них реша: не можаше ли Сей, отверзый очи слепому, сотворити, да и сей не умрет?

Иисус же паки претя в Себе, прииде ко гробу. Бе же пещера, и камень лежаше на ней.

Глагола Иисус: возьмите камень. Глагола Ему сестра умершаго Марфа: Господи, уже смердит: четверодневен бо есть.

Глагола ей Иисус: не рех ли ти, яко аще веруеши, узриши славу Божию?

Взяша убо камень, идеже бе умерый лежа. Иисус же возведе очи горе и рече: Отче, хвалу Тебе воздаю, яко услышал еси Мя:

Аз же ведех, яко всегда Мя послушаеши: но народа ради стоящаго окрест рех, да веру имут, яко Ты Мя послал еси.

И сия рек, гласом великим воззва: Лазаре, гряди вон.

И изыде умерый, обязан рукама и ногама укроем, и лице его убрусом обязано. Глагола им Иисус: разрешите его, и оставите ити.

Мнози убо от Иудей пришедшии к Марии и видевше, яже сотвори Иисус, вероваша в Него:

Причастен: Из уст младенец, и ссущих совершил еси хвалу. Аллилуиа, трижды.

На трапезе учреждаемъ варением со елеем, аще же и икру имамы, да дастся коемуждо брату по три онгии, и вино прием.

Подобает ведати: Аще храм праведнаго Лазаря: по обычной кафисме по лиелей: Величание святительское, и псалом: Услышите сия вси языцы: Таже седален иже по 3-й песни. И житие святаго Лазаря, от Никифора Ксанфопула написано. Степенна, антифон 1-й, 4-го гласа. Прокимен: Честна пред Господем: Стих: Что воздам Господеву: Всякое дыхание: Евангелие от Иоанна, зачало 36: Аз есмь дверь: псалом 50. Стихира, глас 6: Господи, глас Твой разруши: Каноны два, на 14: и Катавасия 2-го канона. По 3-й песни седален праздника. По 6-й песни кондак: Всех радость: И икос. И прочее последование якоже указася.

В Субботу Лазареву Задостойник

Знаменного роспева

Т. I
Т. II
Бар.
Б.

Чис - ту - ю слав - но по - чтим лю - ди - е
Бо - го - ро - ди - цу, огонь Бо - жест - ва при -
им - шу - ю во вре - мя не - о - паль - но,
песнь - ми ве - ли - ча - ем.

В Субботу Лазареву Задостойник

Напева Киево-Печерской лавры

Чис - ту - ю слав - но по - чтим лю - ди - е
Бо - го - ро - ди - цу, огонь Бо - жест - ва




при - им - шу - ю во чре - ве не - о - паль - но,
песнь - ми ве - ли - ча - ем.

В Субботу Лазареву Задостойник

Знаменного роспева

Обработка М.Поклад



Чис - ту - ю сла - во по - чтим
лю - ди - е Бо - го - ро - ди - цу,
огнь Бо - жест - ва при - им - шу - ю
во чре - ве не - о - паль - но,
песнь - ми ве - ли - ча - ем.

В Субботу Лазареву Задостойник

Знаменного роспева

Обработка Д.Соловьёва

Чис - ту - ю слав - но по - чтим

лю - ди - е Бо - го - ро - ди - цу,

огнь Бо - жест - ва при - им - шу - ю

во вре - ве не - о - паль - но,

песнь - - ми ве - ли - ча - ем.

В Субботу Лазареву Причастен

Знаменного роспева

Обработка Д.Соловьёва

Из уст мла - де - нец

и ссу - щих со - вер - шил

е - си хва - лу.

Ал - ли - лу - и - я, ал - ли - лу - и - я,

ал - ли - лу - и - я.